



Broj, 01-07-10-51-154/2024
Sarajevo, 26.6.2024. godine

Na osnovu člana 25. stav (1) u vezi sa članom 26. stav (4) Zakona o slobodi pristupa informacijama na nivou institucija Bosne i Hercegovine ("Službeni glasnik BiH", broj 61/23) i člana 5. Pravilnika o postupanju po zahtjevu za pristup informacijama Visokog sudskog i tužilačkog vijeća Bosne i Hercegovine, br. 08-02-3075/2010 od 2.9.2010. godine, 08-02-3645/2013 od 24.9.2013. godine, 08-02-388-1/2014 od 22.1.2014. godine i 08-07-2-3459/2021 od 29.9.2021. godine, rješavajući po zahtjevu za pristup informacijama Marije Krolo, [REDACTED], od 13.6.2024. godine, predsjednik Visokog sudskog i tužilačkog vijeća Bosne i Hercegovine donosi

RJEŠENJE

Odobrava se uvid u dokument „Politika sigurnosti pravosudnog informacionog sistema Bosne i Hercegovine“, (br. 09-29-1-3231/2016 od 10.11.2016. godine, 09-29-1-424/2021 od 26.1.2021. godine i 09-29-1-391/2022 od 24.1.2022. godine), u prostorijama Visokog sudskog i tužilačkog vijeća Bosne i Hercegovine.

Obrazloženje

Visoko sudsko i tužilačko vijeće Bosne i Hercegovine (u daljem tekstu: VSTV BiH/Vijeće) je 13.6.2024. godine zaprimilo zahtjev Marije Krolo, [REDACTED] (u daljem tekstu: podnositeljica zahtjeva), za pristup dokumentu VSTV-a BiH „Politika sigurnosti pravosudnog informacionog sistema Bosne i Hercegovine“ (br. 09-29-1-3231/2016 od 10.11.2016. godine, 09-29-1-424/2021 od 26.1.2021. godine i 09-29-1-391/2022 od 24.1.2022. godine; u daljem tekstu: Politika sigurnosti). Naime, referirajući se na odgovor VSTV-a BiH, br.: 01-50-23910-2/2023 od 19.12.2023. godine, u kojem je naznačeno da Politikom sigurnosti pravosudnog informacionog sistema Bosne i Hercegovine nije propisana upotreba jezika na zvaničnim web stranicama VSTV-a BiH, podnositeljica zahtjeva je tražila na uvid navedeni akt koji, kako navodi, reguliše upotrebu službenih jezika.

Razmatrajući predmetni zahtjev, u skladu s nadležnostima VSTV-a BiH, utvrđeno je da Politika sigurnosti uređuje upravljanje sigurnošću pravosudnog informacionog sistema i nije relevantna za upotrebu jezika na web stranicama.

Jedan od ciljeva Politike sigurnosti je i da osigura adekvatnu zaštitu od mogućih unutrašnjih, vanjskih, namjernih ili slučajnih rizika, te ugrožavanja pravosudnog informacionog sistema i u njemu pohranjenih informacija. Politika sigurnosti sadrži povjerljive informacije koje nisu javno dostupne, stoga i dostavljanje dokumenta u cijelosti ili njegovo publikovanje na web stranici nije dozvoljeno.

Međutim, imajući u vidu činjenicu da je tražen uvid u navedeni dokument, postupljeno je kao u izreci rješenja, te će uvid biti omogućen u dogovoru sa Odjelom za informaciono-

komunikacione tehnologije VSTV-a BiH, Kraljice Jelene 88, 71000 Sarajevo i na način koji ovaj odjel procjeni kao relevantan u smislu zaštite povjerljivih informacija.

Postupajući po zahtjevu podnositeljice, a u skladu sa svim gore navedenim, odlučeno je kao u dispozitivu ovog rješenja.

Pouka o pravnom lijeku:

Protiv ovog rješenja podnositeljica zahtjeva ima pravo podnijeti žalbu Žalbenom vijeću pri Vijeću ministara Bosne i Hercegovine u roku od 15 dana od dana prijema istog, a može se izjaviti i na zapisnik kod VSTV-a BiH. Žalba se podnosi putem VSTV-a BiH, a na istu se shodno odredbama Zakona o administrativnim taksama („Službeni glasnik BiH“, br. 16/02, 19/02, 43/04, 8/06, 76/06, 76/07 i 98/12), plaća taksa u iznosu od 10 KM, po tarifnom broju 2. Tarife administrativnih taksi.

Ukoliko Žalbeno vijeće ne odluči po žalbi u roku od 30 dana od dana prijema žalbe, podnositeljica žalbe ima pravo pokrenuti upravni spor pred Sudom Bosne i Hercegovine zbog šutnje administracije.



Dostavljeno:

1. Podnositeljici zahtjeva
2. Odjelu za informaciono-komunikacione tehnologije VSTV-a BiH
3. U spis